

Naalakkersuisut matumuuna aalajangiiffigisassatut siunnersummik saqqummiussaqarput, Inatsisartut suleriaasianni § 33 naapertorlugu:

Inatsisartut aalajangiiffigisassaattut siunnersuut Naalakkersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannguanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik, maleruagassat siunnersuutip aallaqqaataani tunngavilersuutitut nalunaarsorneqartut naapertorlugit aaqqissuunneqartussamik (Immikkoortut A-miit D-mut)

(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Tunngavilersuut

Siunnersuut saqqummiunneqarpoq Nukissiuuteqarnermut Imermillu Pilersuinermik Immikkoortumut Pilersaarutip aamma aalajangiiffigisassatut siunnersuutip UPA 2019/165-ip piviusungortinnejarnissaat siunnerfigalugu.

Aalajangiiffigisassatut siunnersummi Naalakkersuisut pisussaaffilerneqarput sulissutigissagaat erngup nukinganut nukissiorfiliornissaq Qasigiannguanik aamma Aasiannik pilersuisussamik, aamma erngup nukinganik iluaquteqarluni Nuummik pilersuinermut nukissiorfiup allineqarnissaa, malittarisassat tulliuttut naapertorlugit ingerlannejartussamik:

- A) Naalakkersuisut kingusinnerpaamik UKA 2020-imi saqqummiussaqassapput siunnersummik, erngup nukinganut nukissiorfiliornissamut Qasigiannguanut aamma Aasiannut pilersuisussamik aamma erngup nukinganik nukissiorfiup Nuummik pilersuisup allineqarnissaanut sanaartugassanut.
- B) Sanaartugassanut pilersaarummi ataatsimoortumi illoqarfinnut pingasunut atuutumi Ilitsersuummi Inuiqatigiit Aningaasarsiornerannut Kingunerisassanik Naliersuisarnermi niuernikkut tunngaviusussatut piumasaqaatit naammassineqassapput, tak. ersarinnerusumik immikkoortoq 4, aalajangiiffigisassatut siunnersummut tunngavilersuutini.
- C) Naalakkersuisut kingusinnerpaamik UKA 2020-mi saqqummiussaqassapput aningaasalersuinissamut, ingerlatsinissamut aamma piginnittuunissamut siunnersummik, sanaartugassanut Qasigiannguit aamma Aasiaat eqqaanni, kiisalu Nuummi, aningaasalersuinissamut killiliussat ilanngullugu nassiunneqartumi nassuaasiameittut iluanni aaqqissuunneqartumik, tak. ersarinnerusumik

nassuaasiami immikkoortoq 5, aalajangiiffigisassatut siunnersummut tunngavilersuutini.

- D) Naalakkersuisut inatsisiliornissat pisariaqartut aallartissavaat, erngup nukinganik iluaqteqarluni nukissiorfiliassanut atatillugu ilutsip toqqarneqartup naammassineqarnissaanut sanaartornissamut, ingerlatsinissamut aamma aningaasalersuinissamut.

---oOo---

Kiisalu Naalakkersuusut ingerlaqqittumik sulissutiginiarpaa Nukissiuuteqarnermut Imermillu Pilersuinermut Immikkoortumi Pilersaarummi nukissiuutit piujaannartitsisut sumiluunniit periarfissaqarfiusuni 2030-imi atugaalersimanissaat. Tamatumunnga atatillugu ilaatigut suliarineqassaaq aalajangiiffigisassatut siunnersuut, erngup nukinganik iluaqteqarluni nukissiorfeeqqanik sanaartortoqarnissaanut najukkani ukunani: Kulusuk, Qeqertarsuatsiaat, Qassiarsuk, Atammik, Arsuk aamma Ittoqqortoormiit. Kiisalu aamma suliarineqassapput nalilersuinerit erngup nukinganik iluaqteqarluni nukissiorfiliorsinnaanerit Maniitsumi, Paamiuni aammalu Nanortalimmi pillugit.

Nukissiuuteqarnermut Imermillu Pilersuinermik Immikkoortumut Pilersaarut pingaarnertut immikkoortunik 3-nik anguniagaqarfiuvoq.

1. Innaallagissap aamma erngup akii appasinnerusut
2. Nukissiuutit piujaannartitsisut, periarfissaqarfiusuni tamani 2030-imi anguniagaavoq pisortat nukissiuuteqarnikkut pilersuinerata sapinngisamik annertunersaa nukissiuutinit piujaannartitsisunit aallaaveqarnissaa.
3. Nukissiuuteqarnikkut aaqqissuussinerit nutarterneqarneri
Nukissiuutit orsussamik imerpalasumik (uulia) tunngavillit taarsersorneqassapput nukissiuutinik piujaannartitsisumik aallaaveqartunik, soorlu erngup nukinganit, anorimit, seqinermit, brint-imit pisunit, - tamatuma suli piviusunngortitsiffingisaani. Allanngortitserineq piumasaqaateqarfiusoq annertuumik nutarterinissanik aammalu teknologiinik atorneqartunik perrassaaviusussaq, nukissiuutinik ingerlatsiviusuni tamani.

Naalakkersuisut Nukissiuuteqarnermut Imermillu Pilersuinermik Immikkoortumut Pilersaarutaata anguniagaa tassaavoq aalajangiinissamut tunngavissamik suliaqartoqassasoq, erngup nukinganik iluaqteqarluni nukissiorfimmik Qasigiamguanik aamma Aasiannik pilersuisussamik pilersitsinissamut tunngaviusussamik (anguniagaq 12). Inatsisartullu aammattaaq Upernaaq manna 2019-imi Inatsisartut katersuunneranni aalajangiiffigisassatut siunnersuut pineqartoq taanna akuersissutigisimavaat (UPA 2019/165).

Akuersissuteqarnikkut Naalakkersuisut pisussaaffilerneqarput aalajangiiffigisassatut siunnersuuteqarnissamik erngup nukinganik iluaquteqarluni Qasigiannguit aamma Aasiaat nukimmik pilersorneqalersinnaanerat pillugu Inatsisartut 2019-imi ukiakkut ataatsimiinnissaat sioqqullugu.

Aalajangiiffigisassatut siunnersummi ersippoq aalajangiinissami tunngavissami qulaajarneqassasoq illoqarfiiit aamma nunaqarfiiit suut erngup nukinganit nukissiorfimmut attavilerneqarsinnaanersut, kiisalu ilanngunneqassallutik misilittakkat naleqquttut nukissiuutinik assigiinngitsunik iluaquteqarluni Igalikumi misileraanermeersut.

Inatsisartut aalajangernerisa malitsigisaanik suliap ingerlatseqqinnejcarneranut atatillugu nassuiaasiaq matumunnga ilanngunneqartoq suliarineqarpoq, erngup nukinga iluaqutigalugu Qasigiannguit aamma Aasiaat pilersorneqarsinnaanerat pillugu suliaasoq, kiisalu Utoqqarmiut Kangerluarsunnguanni erngup nukinganik nukissiorfiup Nuummik pilersuisup allineqarnissaa pillugu nassuiaasiaasoq.

Nassuiaasiами inernilerneqarpoq pissusissamisuussanngitsoq erngup nukinganik iluaquteqarluni nukissiorfimmiit innaallagissap aqquaata Aasiannik pilersuisup nunaqarfiiit pineqartut eqqaatigoortussatut naatsorsuutigineqartup attavilerneqarneratigut Akunnaap aamma Ikamiut pilersorneqalernissaat. Nunaqarfinnik attaviliinissaq 70 mio. kr.-inik akeqartussaavoq, aningaasallu annikinneerarsuit atorlugit periarfissaqassalluni nukissiuutit piujaannartitsisut, assersuutigalugu seqinisaatit imaluunniit anorisaatit atorlugit pilersuinissaq. Taamaattumillu najukkani namminerni nukissiuutit piujaannartitsisut iluaqutigalugit pilersuilernissaq aaqqiissutissaavoq pitsaanerpaaq, nunatta nukissiuutinit piujaannartitsisut pilersorneqarnera aammalu uuliamik atuinerup annikillineqarnissaa eqqarsaatigalugu.

Nassuiaasiamilu inerniliineq tunuliaqutaralugu aalajangiiffigisassatut siunnersummi taamaallaat pineqarpoq siunnersuut sanaartornissamut aamma ingerlatsilernissanut erngup nukinganik iluaquteqarnikkut Qasigiannguit aamma Aasiaat pilersorneqalernissaannut, ilutigisaanillu erngup nukinganik nukissiorfiup Nuummik pilersuisup allineqarnissaanik.

Nukissiorfimmik pilersitsinissaq Qasigiannguanut aamma Aasiannut pilersuisussamik, kiisalu Nuup erngup nukinganik nukissiorfimmiit pilersorneqarnerata annertusaavigineqarnissaa, taakkuupput suliniutissat nukissiuutinik piujaannartitsisunik atuinerup annertunerpaamik annertusineqarsinnaaneranut, taamalu ilalersuisuussallutik nukissiuutinik piujaannartitsisunik atuinerup sumiiffinni sumiluunniit nukissiuutinik nutaaliasunik atuilluni anguniakkani pingarnerpaatut inisisimaneannut.

Suliniutit ataatsimoortoq erngup nukinganik iluaquteqarluni Qasigiannguit aamma Aasiaat nukissiuutitsigut pilorsorneqalernissaannut, aammalu erngup nukinganik iluaquteqarluni Nuup pilorsorneqarneranik annertunerulersitsinissat aamma aningaasalersuinissamut periarfissatut ilutsit tamatumunnga atasut nassuaasiaq tunuliaqtalaralugu ersarinnerusumik immikkoortumi 5-imí allaaserineqarput.

2. Erngup nukinganit nukissiorfimmik sanaartorneq, Qasigiannguanut aamma Aasiannut pilersuisussamik

Qasigiannguit eqqaanni erngup nukinganik iluaquteqarluni nukissiorfiliorfiusinnaasutut periarfissat ukiuni arlaqartuni misissugarineqarsimapput, nalilersuinerugallartunilu allaaserineqarluni erngup nukinganik iluaquteqarluni Qasigiannguanik aamma Aasiannik pilersuinerup pilersinneqarsinnaanera, aamma tamatuma aningaasaqarnikkut inissisimanera. Imeqarfik periarfissaasoq Qasigiannguaniit kujammut kangimut 20 km. missaanniittumi inissisimavoq. Tatsit Kuussuup Tasia aamma Qinngap Ilulialeeraa atorneqassapput imeqarfittut nukissiorfimmut. Tatsiniittoq imeq pingarnertut sermersuarmiit sermip aanneraneersuuvoq, kisianni aamma nittaallat sialuillu. Tatsit taakkua marluk akornanni erngup aqutissaanik sullorsualiortoqassaaq, nukissiorfillu kangerlummi Kangersunermi inissisimassalluni.

Erngup nukinga iluaqtigineqarsinnaasoq nalilerneqarpoq ukiumut 94 GWh-imik tunniussisinnaasoq, imeq iluaqtigineqarsinnaasoq tunngavigalugu. Erngup nukinganik iluaquteqarluni nukissiorfik 15 MW-iussaaq, ilimagineqarporlu taamaasilluni pilersinneqarsinnaassasoq ukioq kaajallallugu tamakkiisumik ingerlatsinikkut 131 GWh. Ukiup ilivitsup ingerlanerani pisariaqartitsinerup pissusissamisoortup allanngorartarnera pissutaalluni, kiisalu erngup iluaqtigineqarsinnaasup killeqarnera pissutigalugu annertunerpamik nioqqtissiarineqarsinnaasoq nukik missiliunneqartumit ukiumut nioqqtissiarineqarsinnaasussamit appasinnerussaaq.

Tamanna isumaqarpoq erngup nukingata pilersorsinnaagaa Nukissiorfiit maanna innaallagissamik aamma kissamik tunisartagaat, kiisalu kiaap maanna inunnit kiassaateqarfiit uuliatortut atorlugit pilersinneqartartup ilangaatsiaa, illoqarfinni pineqartuni marlunni. Tassa imaappoq innaallagissamik qullernut aamma nukimmik atuineq tamakkiisoq matussutissaqartoq, kiassaanerullu tamarmiusup ilaa miss. 80 % matussutissaqassalluni aamma.

Ilanngaatissat ilanngaatigereerlugit erngup nukinganik iluaquteqarluni Qasigiannguanut aamma Aasiannut nukissiorfissap nalinga tassaavoq –217 mio. kr.-it. Tassa imaappoq, naatsorsuinerit naapertorlugit inuiqatigiinnut akeqassasoq 217 mio. kr.-inik piffissami pineqartumi nalilersuiffiusumi aningaasap nalinga tunngavigalugu, sumiiffiup tamatuma

erngup nukinga iluaqutigalugu pilersorneqarnera, maannakkutut orsussanik nunap piinik imerpalaunik pilersuinermik ingerlatsiinnarnermut taarsiullugu.

**Suliniullu taamaasilluni immikkullarissutut isigigaanni inuiaqatigiit
aninggaasarsiornerannut atatillugu nalilersuinissamut ilitsersuummi
aalajangersakkanik naammassinninngilaq, suliniullu kisimiitllugu pilersissagaanni
inuiaqatigiinni aninggaasarsiornikkut annaasaqarfiusalluni.**

3. Nuup erngup nukinganik iluaquteqarluni nukissorfianik allisitsineq.

Nuummi innuttaasut amerliartornerat ilutigalugu naatsorsuutaavoq illoqarfimmi nukimmik atuineq annertusiartuaassasoq. Maanna taseq imeqarfiusoq imatut annertussuseqanngilaq illoqarfimmut nukimmik pilersuisinnaalluni alliliinissamik pisariaqartitsiviungitsumik, imeqarfiusoq nammineq imaanik nungujartortitsinani.

Nukimmik pisariaqartitsinerup nammineq annertusiartortup innuttaasut amerliartornerannik tunngaveqartup saniatigut aninggaasarsiornikkut aammalu avatangiisink mianerinninnermut atatillugu periarfissaqarpooq inuit namminneq uuliamik atuillutik kiassaanerisa innaallagissamik qamittakkamik atuinermut nuunneqarsinnaanerat. Taamatut allannguineq soorunami nukimmik annertusinerusumik aamma pisariaqartitsiviussaaq.

Taamaattumik maannangaaq pisariaqartitsisoqalereerpoq erngup nukinganik iluaquteqarluni Nuummik pilersuinerup annertusineqarnissaa, maanna nukik nukissiuutinit piujuannartitsisuneersoq pigiinnarumallugu annertusiumalluguluunniit. Immikkullarissumik tamanna isumaqarpooq pisariaqartitsisoqartoq Utoqqarmiut Kangerluarsunnguanni erngup nukinganik iluaquteqarluni nukissiornermut tatsip atorneqartup imermik pilersorneqarnerata annertusineqarnissaa, aammalu maanna nukimmik nioqqtissiornerup annertusineqarnissaa.

Kangerluarsunnguup tasianut taamalu Utoqqarmiut Kangerluarsunnguanni nukissorfimmut imeq kuuttoq annertunerulersinneqarsinnaavoq tatsimit 16 km kujasinnerusumiittumiit, Isortuarsuup Tasianiit erngup iluaqutigineratigut. Uuttortaanerit Asiap ingerlassimasai naapertorlugit Isortuarsuup Tasia ukiumut imermik immerneqaqqittarpoq Kangerluarsunnguup Tasianut kuuttartumiit pingasoriaataata missaaniittumik annertunerusumik. Tatsit pineqartut marluk akornanni sullulioraanni Isortuarsuup Tasianiit imeq Kangerluarsunnguup tasianut ingerlatinneqarsinnaalissaq. Taamaasillunilu Kangerluarsunnguup tasianut imeq kuuttoq ima annertutigilissaq Utoqqarmiut nukissiuuteqarfianni tamakkiisumik 45 MW ukioq kaajallallugu nioqqtissiarineqarsinnaalissalluni.

Ullumikkullumi Nuummi nukimmik naammattumik pisariaqartitsinerup piffissani ataasiakkaani, assersuutigalugu ulluni ukiukkut nillernerpaani Utoqqarmiut Kangerluarsunnguanni nukissiorfiup tunniussinnaasaasa 45 MW-it qaangertalereerpaa. Taamaattumik Nukissiorfiit ulluni taama ittuni erngup nukinga iluaqutigalugu kissamik nioqquissiorini killilersortariaqartarpaa, taarserlugulu nukissiuutit uuliatortut atorlugit kissamik pilersitsinermik.

Inuaqatigiit aningaasarsiornerannik naatsorsuusiornerit takutippaat Nuup erngup nukinganik nukissiorfimmik pilersorneqarnerata allileriffiqeqarnissaa inuaqatigiit aningaasarsiorneranni annertuunik sinneqartoortutnik pilersitsiviussasoq, ilanngaatissat ilanngaatigereerlugit 465 mio. kr.-it maanna nalinginik.

Erngup nukinganik nukissiuuteqarfiup Nuummik pilersuisup allilerneqarnissaanut aningaasaliissuteqarneq inuaqatigiit aningaasarsiorneranniit isigaluni patajaatsumik sinneqartoortuteqarfiusussaavoq, taamalu taanna aningaasalersueqataasinnaalluni erngup nukinganik iluaquteqarluni Qasigiannguanut aamma Aasiannut pilersuilernissamut. Tamatumani pissutaavoq erngup nukinganit nukissiorfiup Nuummik pilersuisup allineqarnera annertuumik innaallagissamik aamma kissamik tunisaqarnerulernermik kinguneqartussaammat.

4. Erngup nukinganik iluaquteqarluni suliniutissat suliniummut ataatsimut katinneqarneri

Inuaqatigiit aningaasarsiorneranni kingunerisassai pillugit naatsorsuineq ingerlanneqarsimasoq tunuliaqutaralugu erngup nukinganik nukissiorfimmik Qasigiannguanik aamma Aasiannik pilersuisussamik sanaartornissaq unammilligassaqassaaq aningaasaqarnikkut maanna nalimigut amigartoortiusussamik. Killormulli inuaqatigiit aningaasarsiornerannut atatillugu naatsorsuusiornerit ersersillugu Nuummik pilersuinermut erngup nukinganik nukissiorfiup allineqarnissaa inuaqatigiit aningaasarsiornerannut annertuumik iluanaarutaassasoq.

Tamannalu tunuliaqutaralugu suliniutit immikkoortut taakkua marluk imminnut katinneqarsinnaapput, taamalu ataatsimoortumik aningaasaliinertut isigineqarsinnaallutik. Taamatut suliniutinik arlariinnik ataatsimoortitsinikkut Inuaqatigiit aningaasarsiornerannut kingunerisassaannik naatsorsuinerit 248 mio. kr. maanna nalinginik erniap kisitsisaata annertussusia 4 %-imiippat sinneqartooraasussamik inerneqarpoq.

Sinneqartoortut Nuummi allilerinikkut atorneqarsinnaapput Qasigiannguanik aamma Aasiannik pilersuinissamut erngup nukinganik nukissiorfilornermi amigartoortut aningaasalersorneqarnerannut. Taamaattumillu pingaaruteqarpoq pilersaarutinik

sanaartornerit aaqqissuunneqarnissaat Nuummik pilersuinerup kingunerisaanik aningaasat ingerlaartut erngup nukinganik iluaquteqarluni Qasigiannguanut aamma Aasiannut pilersuinissamut nukissiorfiliornermut atorneqarnissaat.

5. Aningaasalersuinissamik aaqqissuussinernik periarfissat.

3 mia. kr.-it missarpiaannik aningaasaliissuteqarneq immini pinngitsoorani suliassaavoq annertooq, taamaaliortoqassappallu aallaaviusariaqassalluni immikkoortumik aningaasalersuinissanut periarfissanik nalilersuisoqarnissaa, aningaasalersueriaatsit qanoq ittut piviusunngortinnejarsinnaaneri eqqarsaatigalugit.

Immikkoortumi uani tulliuttumi ilusilersorneqassapput aningaasalersuisinnaanermut aaqqissuussinerusinnaasut arfinillit, nalilersuinermi ilaatinneqarsinnaasussat. Malugeqquneqarpoq saqqummiunneqartut suli allanik ilaqlarsinnaammata aamma tassaammata nalilersuinerugallarnerit. Tassa imaappoq imermik nukissiuuteqarnissamik suliniutit nangillugit sulisoqassappat sukumiisumik misissueqqissaarnissaq pisariaqartineqassaaq. Taamaasilluni pisariaqassaaq itinerusunik nalilersuisoqarnissaa UPA 2020-ip tungaanut, kisianni kingusinnerpaamik UKA 2020-mut naammassineqarsimassaaq.

Nassuaasiami aaqqissuussinerit – ilutsit – eqqartorneqartut makkuupput:

- 1) Aningaasanut inatsisikkut tulleriaarinermik tunngaveqartumik aaqqissuussinerup allanngortinneqarnera.
- 2) Iluseq 1 akullugu nunatta karsianiit attartornermik, erngup nukinganik iluaquteqarluni nukissiorfiliornissanik aningaasalersuinissamut. Ilutsip tamatuma kingunerisinnaavaa aningaasartutissanut missingersuusiotarnermut inatsimmi ukiut tulleriit sisamat iluanni oqimaaqtigiiissitsinissamik piumasaqaataasup naammassineqarsinnaannginnissaa¹.
- 3) Nukissiuutinut akitsuummik immikkut siunertamut atorneqartussamut katersinikkut, immikkut inatsimmik tunngaveqartariaqartukkut.
- 4) Nukissiorfiit ingerlatseqatigiiffingortillugit nammineq attartornikkut suliniutinik aningaasalersuisinnaanngorlugit aaqqissuussinikkut. Tamatumani pisariaqassaaq inatsisitigut tunngavissamik pilersitsinissaq, kiisalu nukissiuuteqarnermut imermillu pilersuinermut inatsisinik il.il. naleqqussaanissat.

¹ § 2, imm. 1, Missingersuutit Naatsorsuutillu pillugit Inatsimmi. Aalajangersagaq 31. december 2021-p tungaanut atorunnaarallartinneqarpoq, Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinneqarnissaa pillugu Inatsisartut inatsisaat nr. 24, 28. november 2018-imeersumi nr. 6 naapertorlugu. Kisianni erngup nukinganik iluaquteqarluni nukissiorfiliornissaq Qasigiannguanik /Aasiannik pilersuisussaq 2021-p kingorna siusinnerpaamik aallartitinneqassaaq.

- 5) Erngup nukinganik iluaquteqarnikkut nukissiorfiit immikkut ingerlatseqatigiiffinngorlugit aaqqissuussinikkut. Tamatumani pisariaqassaaq inatsisitigut tunngavissamik pilersitsinissaq, kiisalu nukissiuuteqarnermut imermillu pilersuinermut inatsisinik il.il. naleqqussaanissat.
- 6) Aaqqissuussineq BOT. Pisariaqassaaq avataaniit aningaasalersuisussanut isumaqatigiissuteqarnissaq, tamatumunngalu tunngavissanik pilersitsinissaq.

Aningaasalersuinissanik aaqqiissutaasinnaasutut periaassisani allaaserineqartuni tamani suliniutissat marluk ataqtigiissillugit aaqqiisoqarnissaa isigneqarpoq. Taamaaliortoqassaaq siusinnerusukkut eqqaaneqareersutut iluaqutigiumallugit aningaasaqarnikkut iluanaarutaasussat Utoqqarmiut Kangerluarsunnguanni erngup nukinganik nukissiorfiup allilerneqarneratigut pinngortussat, Qasigiannguanik aamma Aasiannik pilersuisussanik erngup nukinganut nukissiorfiliornissap aningaasalersornissaani.

6. Avatangiisinut sunniutaasussanik nalilersuineq (ASN)

Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-imeersoq naapertorlugu sanaartukkat qanoq ittuunermikkut, annertussutsimikkut imaluunniit sumi inissinneqarsimanermikkut avatangiisinut sunniuteqarsinnaasutut nalilerneqartut ASN-imik nalersuinermik ingerlatsivigineqartussaapput. Avatangiisinut sunniutaasinnaasutut pineqarput sermimik, imermik, silaannarmik, nunamik, qaqqanik, avatangiisinik, uumasunik aamma naasunik, atortussatut iluaqutissanik, inuit peqqissusiannik kiisalu sumiiffimmik inuit atuinerannut sunniutaasinnaasut.

7. FN-ip nunarsuarmiunut anguniagassaatai 17-it, aamma piujuannartitsisumik ineriartortitsineq.

Nukissiuutini piujuannartitsisuni suliniutit nunatsinni sumiiffinni tamani sanaartugassatut pilersaarusrorneqartut, minnerunngitsumillu erngup nukinganik iluaquteqarluni nukissiorfiliassatut suliniutaasut marluk, nassuaasiami matumani allaaserineqartut, peqataassapput Kalaallit Nunaata naammassinninnissaanut FN-ip nunarsuarmiunut anguniagassaataanut piujuannartitsisumik ineriartortitsineq pillugu. Tamatumani minnerunngitsumik pineqarput nunarsuarmiut anguniagassaanni immikkoortoq 7) piujuannartitsisunik nukissiuuteqarneq, 9) suliffissuaqarnikkut piujuannartitsisumik ingerlatsineq, nutaaliorneq aamma attaveqaasersuutit, aamma 13) silaannaap pissutaanut tunngasumik suliniutit.

8. Aningasaqarnikkut allaffissornikkullu pisortanut kingunerisassai.

Tamanna tunuliaqutaralugu suliniuitit taakkua marluk katinneqarsinnaapput, taamaattumillu aningaasaliinertut ataatsimoortutut isigineqarsinnaallutik. Inuiaqatigiit aningaasarsiorneranni kingunerisassai taamatut ataatsimut katinneqarnerisigut ataani tabelimi 1-im i ersipput.

Tabeli 1 – Inuiaqatigiit aningaasarsiorneranni erngup nukinganik nukissiorfiliornerit tamarmiusut kingunerisassaannik naatsorsuinerit

Nukissiuutit piujuannartitsisut	Sumiiffimi nukissiuutit piujuannartitsisut tunniussaat	Orsussamik inuiaqatigiit atuinerisa annikillissutaat (mio. liiteri / ukiut 22-it ingerlaneranni*) ** **)	CO ₂ -sipaagaq (1000 tons/ ukiut 22-it ingerlaneranni) **	Aningaasalii- nerit tamarmiusut (mio. kr.)	*Ilanngaareeruni maanna nalingat (mio. kr.)
Nuuk, erngup nukinganik nukissiorfimmik alliliineq,	Miss. 99 %	326	830	1.675	465
Qasigiannguit aamma Aasiaat, erngup nukinga	Miss. 95 %	219	568	1.345	-217
Suliniut tamarmiusoq		545	1.398	3.020	248

Nalunaarsuut * Ilanngaatit peereerlugit maanna nalinga naatsorsorneqarpoq erniap kisitsaata annertussusia 4 % tunngavigalugu, Naalakkersuisut inuiaqatigiinni aningasaqarnikkut kingunerisassanik naatsorsuisarnermi ilitsersuutaat tunngavigalugu.

** Orsussamik sipaarutit tassaavoq orsussat assiginngitsut katinnerat

*** Inuiaqatigiit aningaasarsiorneranni piffissaq nalilersuiviosoq ukiunik 22-inik sivisussuseqarpoq, erngup nukinganik nukissiorfiliornerit arlariit sanaartorfiuneri ilanngullugit

Naalakkersuisut attaveqaatit tatiginartut, ullutsinnut naleqquttut aamma ataqtigiissut pilersissallugit kissaatigaat, suli annerusumik nunatsinnik ataatsimut attaveqaasersuutaasut. Tamatuma ilalersussavai naammassisqarnerulernissaq aamma perrassaaneq, naggataagut inuiaqatigiinnut pisortallu ingerlatsinerannut nukittuumik sunniuteqartussat.

9. Aningaasarsiornikkut aamma allaffissornikkut namminersortut inuussutissarsiornernut sunniutaasussat.

Naalakkersuisut Nukissiuuteqarnermut Imermillu Pilersuinermik Immikkoortumut Pilersaarummi pingaarnertut anguniagaasut ilaat tassaavoq nukissiuuteqarnikkut attaveqaasersornerup nutarterneqarnissaa. Tamatumunnga tunuliaqutaasoq ilaatigut tassaavoq pilersuinermi pitsaassutsimik annertunerulersitsinissaq, kiisalu aamma ataatsimut nukissiuuteqarnikkut innuttaasunut inuussutissarsiortunullu pilersuinermi akinik annikinnerulersitsinissaq.

Erngup nukinganik iluaquteqarluni nukissiuuteqarnikkut pilersuineq kinguneqassaaq nukissiuutinut aningaasartuutinik annikinnerulersitsinermik, atortulersuutinik maanna nalinginnaasunik orsussamik imerpalausumik – diesel-imik atuinermut sanilliullugu. Erngup nukinganik iluaquteqarluni nukissiorfiliortitsineq taamaasilluni inuussutissarsiortut atugassaannik pitsaasunik qularnaarissaq.

Ilanngussaq:

Nassuiaasiaq, Erngup nukinganik iluaquteqarluni nukissiornikkut Qasigiannguit aamma Aasiaat pilersorneqalernissaat kiisalu Nuummi Utoqqarmiut Kangerluarsunnguanni erngup nukinganik iluaquteqarluni nukissiorfiup allineqarnissaa